

**ZIMBABWE SCHOOL EXAMINATIONS COUNCIL**  
**General Certificate of Education Ordinary Level**

**SHONA**

**4007/2**

**PAPER 2** Zvirungamutauo, Misambo yeMutauro  
neMaumbirwo eMutauro

**NOVEMBER 2018 SESSION**

**2 hours**

Additional materials:  
Answer paper

**NGUVA:** Maawa maviri

**RAYIRO KUVANYORI VEBVUNZO**

Uchapiwa mapepa okunyorera mhinduro dzako.


Nyora zita rako, nhamba yenzvimbo yauri kunyorera nenhamba yako yawakapiwa somunyorori papepa roga roga remhinduro rawashandisa.

Pindura mibvunzo **minomwe** chete.

Ukashandisa mapepa anodarika rimwe, asunganidze pamwe chete.

**ZIVISO KUVANYORI VEBVUNZO**

Zvibodzwa zvakapiwa muzvikomberedzo izvi ( ) pamagumo pechidimbu chemubvunzo, uye izvi [ ] panoperera mubvunzo woga woga.



Copyright: Zimbabwe School Examinations Council, N2018.

©ZIMSEC N2018

## CHIKAMU I: MASHANDISIRWO EMUTAURO

Pindura mibvunzo **miviri** muchikamu chino.

- 1 Sarudza tsumo **shanu chete** kubva pane dzinotevera ugotsanangura chidzidzo choupenyu chinowanikwa mune imwe neimwe yadzo kana ichidudzirwa.
- (i) Chitsva chiri murutsoka. (1)
  - (ii) Tsapata rukukwe hazvienzani nekurara pasi. (1)
  - (iii) Kugara nhaka kuona/huona dzavamwe. (1)
  - (iv) Mutoro unorema wasvika. (1)
  - (v) Dziva rine ngwena idivakamwe, ukadzokera unowana ngwena dzasvinura. (1)
  - (vi) Chiripo chariuraya zizi harifi nemhepo. (1)
  - (vii) Gunguo kuseka zizi muromo uchinge demo. (1)
- [5]
- 2 Sarudza zvirevo **zvishanu** chete kubva pane zvinotevera ugonyora madimikira anoreva zvakafanana nemazwi ane mutsara pasi pawo.
- (a) Akamuyambira paakaona akahwandirwa nevavengi. (1)
  - (b) VaMandisembura vanodada zvikuru. (1)
  - (c) Tozivepi agarika zvakapfurikidza pamusha pavatezvara vake. (1)
  - (d) Tete vakaudza Tendai kuti akada kufarisa vaizomurova. (1)
  - (e) VaMarwei vapopota zvikuru. (1)
  - (f) Mwanasikana wavo akapiwa pamuviri asati apedza chikoro. (1)
  - (g) Akazvipinza mumatambudziko nezvinhu zvisina zvazvinobatsira. (1)
- [5]

- 3 Ndeapi maitiro evanhu angafananidzwa nezvipuka zvinotevera? Sarudza zvipuka zvishanu chete.

Muenzaniso: mbuwo – kuramba munhu achidya nyangwe aguta.

- |     |        |     |
|-----|--------|-----|
| (a) | dahwa  | (1) |
| (b) | katsi  | (1) |
| (c) | tsuro  | (1) |
| (d) | shumba | (1) |
| (e) | hwai   | (1) |
| (f) | gurwe  | (1) |
| (g) | kamba  | (1) |
|     |        | [5] |

## CHIKAMU II: MISAMBO YEMUTAURO

Pindura mibvunzo yose muchikamu chino.

- 4 Verenga chindima chinotevera ugopindura mibvunzo inotevera.

Taruwona achangopedza gadziriro yake, akananga kuhofisi kwaainge adanwa kunobvunzurudzwa nezvebasa. Hapanawo chaimutadzisa kuti basaro rive rake nekuti mapepa edzidzo yaidiwa aiva nawo.

Achisvikapo akaona atomirirwa nevarume vatanhatu. Paakanzi apinde, shasha yainge yakaisa zvayo maoko muhomwe. Shasha yakasvikozvuvu chigaro. “Ndauya. Chindibvunzai zvenyu,” akadaro Taruwona.

Vabvunzi vakashamisika. Paakachinzi ataure nezveupenyu hwake akatanga kutsenga-tsenga chiwitsi. “Zvandakatumira mapepa ane chekuita nezvangu kare wani madhara. Mondinetserayi? Taurai zvebasa iri. Ndipei basa ini ndinorigona. Girafuti ndokudya kwedu isu *mayuti*.”

- |     |  |     |
|-----|--|-----|
| (a) | Ndeupi musambo wakakodzera kushandiswa pakadai?  | (1) |
| (b) | Dai waiva iwe mutungamiri wedare revabvunzi, Taruwona waimushayisa basa nekuda kwezvikonzero zvipi? Doma <b>zvishanu</b> . | (5) |

- (c) Iwe ukadaidzwa kuindavhiyu, ndezvipi zvinhu zvina zvaunofanira kuchenjerera kuita zvinokwidziridza maratidzikiro neunhu hwako? (4)  
[10]

5 Ndimba inotevera ine misambo yakasiyana-siyana yemutauro. Nyatsoiverenga ugopindura mibvunzo iri pazasi payo.

Chipikiri akaperekedzwa neshamwari yake, Ticharwa, kunoonwa mwanasikana wake, Chipo airwara.

Ticharwa akasvikokwazisana naVaMbizi vachigwinhana maoko asi Chipikiri akazvipeta achiita seachachonjomara ari nechokure, ndokuombera achiti, “Makadii Tembo?”

“Ndiripo zvangu, Murambwi. Swedera zvenyu pedyo, Shumba, muone vadzimai vangu ava vandafumotara.” VaMbizi vakadaro vachinomira nechokufafitera.

Nguva yokuona varwere yakapera. VanaChipikiri vave kutosvika pasuwo guru rekubuda muchipatara, vakadhumhana naVaMandisembura avo vange vakarembedza musoro vachipunyaira neshungu. Vakavaudza kuti muzukuru wavo ainge ashayikira pachipatara apa. Chipikiri akavabata maoko achitaura mashoko aienderana nedambudziko rainge ravawira. VaMandisembura vakapindura zvavo vachipukuta misodzi neseri kweruoko.

VaMandisembura vakabata gotsi ndokutanga kusvimba misodzi. Ticharwa ndokutoti zvake, “Tinyararirei zvedu apa! Musada kubata nyika kumeso nokuchema nhema! Ndimi makadya mwana wehanzvadzi yenyu! Nhasi nyama tichaichapfanya kwenyuko! Muuraye mombe mbiri chaidzo!” Apedza zvake kuita zvese zvemusara navo akachizovabata maoko otoitawo zvimisodzi.

- (a) Vanhu vanotevera vaiva neukama hupi kubva pamataurirano avanoita mundima?
- (i) VaMbizi naChipo (1)
- (ii) Chipikiri naVaMbizi (1)
- (b) (i) Ndeupi musambo unowanikwa mukukwazisana kwaVaMbizi naChipikiri? (1)
- (ii) Ipa zviviri zviri mundima zvinoburitsa musambo wawapa pa (b)(i). (2)
- (c) Mashoko anogona kunge akataurwa naChipikiri paaibata VaMandisembura maoko angava ekutii? (1)
- (d) VaMandisembura vaikwanisa kudaira vachitii? (1)



- (e) (i) Musambo unoshandiswa naTicharwa kuna VaMandisembura unonzii? (1)
- (ii) Chii chaunobatsira pamagariro avaShona? (1)
- (iii) Chii chawakaipira? (1)

(1)  
(1)  
(1)  
[10]

### CHIKAMU III: MAUMBIRWO EMUTAURO

Pindura mibvunzo mitatu chete kubva muchikamu chino.

- 6 Nyora mipanda nezvivakashure zvemazita anotevera:

Vasahwira	musango	dziva
ugaro	rufu	mweni
misungo	nhapwa	chikoro
majeko		

- 7 Verenga ndima inotevera, ugopindura mibvunzo iri pazasi. [10]

Ipapo kwakasvika kamwe kasikana kakasvikoti pfurugwada pana VaMabvura. VaMabvura vakatapa shoko riya nomufaro mukuru ndokurizevezera munzeve dzaKufakunesu. Achinzwa izvi akaita seanopenga nokufara. Vanhu vose vakangoti kanhama nazvo.

- (a) Nyurura zvidudziramazita zvose zviri mundima iyi, ugodoma zita rechimwe nechimwe chezvawanyora. (4)
- (b) Pazvidudziramazita zvawanyora sarudza zviviri chete ugotsanangura maumbirwo azvo, uchipa muenzaniso mumwe chete pachidudzirazita choga choga. (4)

- 8 Shandisa chiito /-rova/ muzvirevo kuburitsa madonzvo ezviito anotevera: [10]

- (a) rekuudza (2)
- (b) renhevedzano (2)
- (c) rekutuma (2)
- (d) rezvanga zvichiitika panguva iyoyo (2)
- (e) rekuita (2)

(2)  
[10]

9 Doma mazita ezvakanyorwa nemavara makobvu.


- (i) Nyora zvakanaka. (1)
  - (ii) Sekuru vazouya vomene. (1)
  - (iii) Ini ndinotaura ChiShona. (1)
  - (iv) Takapemberera mwenga. (1)
  - (v) Chakabatwa nekatsi igonzo. (1)
  - (vi) Handimuteereri nokuti anonyeba. (1)
  - (vii) Tatenda aisadya kumakwato. (1)
  - (viii) Ndabayiwa nechipikiri. (1)
  - (ix) Zvatosvorana gonzo nachin'ai. (1)
  - (x) Kamba inofamba zvinyoronyoro. (1)
- [10]

10 Ongorora zvirevo zvinotevera.

- (a) Mbuya vakabikira sekuru doro.
- (b) Mwana wemanyawi uya anoroveka nyore.
- (c) Kasikana kakatambisa pamuchato.
- (d) Muvaki achapfurunura imba yedu.
- (e) Anosekerera chaizvo nerudo.

Pachirevo choga choga chapiwa ipa zvinotevera:

- (i) chiito chiri muchirevo,
- (ii) mudzi wechiito,
- (iii) rebeso yechiito,
- (iv) zita rerebeso.



[10]